

3. nacerjenje, 27.9.2024



Program DOMOWINY

zagronitosć – wótwórjonosć – zwěžanosć





Preambla

W lěše 1912 jo se załožyła Domowina ako kšywowy zwězk serbskich towaristwow. To jo było nabejne tšojenje w serbskich stawiznach. Z tym jo se wóla k zjadnošenju mócow w serbskem narodnem gibanju jasnje zwurazniła a předny raz do statka stajila. Pó měrnej rewoluciji w lěše 1989 jo se Domowina k politiski njewótwisnemu a nadstrońskemu kšywowemu zwězkoju Serbow¹ a serbskich towaristwow pšetwóriła. Žinsa jo Domowina kazniski pšipóznata zastupjačka zajmow serbskego luda. Słužymy swójomu ćlonkojstwowu ako tek celemu serbskemu ludoju.

Domowina wuznawa se k Zakładnej kazni. W zgromadnosći europejskich narodow smy rovnogódne a zasajžujomy se za lichotu a měř. Wótpokazujomy kuždycku formu ekstremizma.

Program Domowiny jo zakład statkowanja kšywowego zwězka. Žělowe směrnicje Domowiny konkretizěruju powšykne zaměry programa. Kuždy, kotaremuž na Serbstwje a pšedewšym na našej rěcy zalažy, daš se w kšywowem zwězku angažěrujo.

Zagronitosć Domowiny za serbski lud statkowaš wuchada ze stawiznow. Wótwórjonosć wóznamjenjujo, až smějo se kuždy z nami za serbski lud zasajžowaš. Zwězanosć zwuraznjujo se w zgromadnem procowanju wó wobstaše našog luda.

Zagronitosć – wótwórjonosć – zwězanosć su zakładne gronidla jadnanja Domowiny.

¹ Kuždežkuli pomjenjowanje wósobow w toš tom teksće se pósěgujo rovnogódnje na wšykne rody.



Zakładne gronidła jadnanja Domowiny

Zagronitosć

Šćit, spěchowanje a wuwijanje serbskeje rěcy, sedleńskego ruma, kultury a identity Serbow ako teke procowanja wó rozšyrjenje pšawa sobu- a samopóstajenja w serbskich nastupnosćach su głowne zaměry našogo zgromadnego statkowanja.

Ako kazniski pšipóznate zastupnistwo zajmow Serbow jadnamy zagroniše a za wšyknych Serbow. Comy-lic serbstwoju pšichod daš, dejať se kuždy jednotliwc pó swójjich móžnosćach za to zasajžowaš.

Wótwórjonosć

Domowina jo wšykным Serbam a pšijašelam Serbow wótwórjona – lěc bydle we Łužycy abo zwenka njeje, lěc jednotliwc, kupka abo towaristwo. Pódpěrujemy krađu wšakorake móžnosći za wobžělenje na serbskem towaršnostnem a kulturnem žywjenju. Smy demokratiski organizěrowane zastupnistwo serbskich zajmow a jadnamy transparentnje. Naše ćlonki su zakład statkowneje seši serbskeje ciwilneje towaršnosći. Kuždy jo pšepšosony sobu statkowaš.

Zwězanosć

Serbske stawizny, kultura, rěc a z toho wuchadajuca narodna identita, ako tek zgromadne narodne procowanje - wšo to nas zwězujo. Rownogódnosć dolno- a górnoserbsćiny zjadnošujo naš lud. Statkujomy w zmysle toš teje zwězanosći, kótaraž wšykne regiony Łužyce wopšimjejo. Rownocasnje zwězujo aktiwity Domowiny krađu wšakorakich partnerjow we Łužycy a zwenka njeje.

Ako zastupjařka serbskich zajmow póbitujo Domowina wšykным Serbowkam a Serbam ako teke pšijašelam Serbow pomoc pši narodnem žěle.



Serbski lud skšuśiś, rěc a kulturu wobchowaś

I. Zwězk Łužyskich Serbow

Čłonkojstwo Domowiny jo zakład demokratiskego statkowanja w kšywowem zwězku. Žěło čłonkojskich župow, kupkow a towaristwow pódpěrowaś jo nam bytostny nadawk. Wóni su nosarje towaršnostnego žywjjenja w Serbach. Aktiwne sobužěło jednotliwcow, towaristwow, župow a organow Domowiny pśi zwopšawdnjenju wobzamknjenjow głownych zgromaźiznow Domowiny jo zakład za wuspěšne statkowanje kšywowego zwězka.

Zgromadnje wabimy za statkowanje w Domowinje. Kuždy, lěc jednotliwc abo towarstwo, jo nam ako člonk kšywowego zwězka witany. Zakład za zgromadne žěło twórje wustawki a program Domowiny.

II. Politiske zastupnistwo

Domowina zastupujo zajmy serbskego luda, což jo se teke do serbskeju kaznjowu zapisało. Wóna stara se wó rozšyrjenje sobu- a samopóstajeńskich pšawow a winowatosćow pśedewšym w serbskich politiskich, kulturnych a kubłańskich nastupnosćach. Jadnamy ze wšyknymi demokratiskimi akterami na komunalnej, krajnej, zwězkowej ako tek europejskej rowninje. Wužaržujomy mjaznarodne kontakty k narodnym mjeńšinam a drugim ludam. Pśi tom jo wažny nadawk Domowiny wědu wó Serbach we Łužycy a zwenka njeje dalej rozšyrjowaś.

III. Šćit a wózroženje serbskeje rěcy

Serbščina jo nam nejdrgótnejše derbstwo našych přědownikow. Jeje woplěwanje, šćit a wózroženje jo nam nejwažnejšy nadawk. Pózbuzujomy familije k woplěwanju serbskeje rěcy. Zasajžujomy se za zwopšawjenje efektiwnych, rěc spěchujucych napšawow wósebnje w žiśownjach a šulach. Pšewježomy a pódpěrujomy napšawy k wóžywjenu serbskeje rěcy wšuži tam, zož wóna w tej chyli kšuty wobstatk zjawneho žywjjenja njejo. Napóranje nowych rěcnych rumow jo wažny wobstatk našych procowanjow.

IV. Kultura a sport, wuměłstwo a wědomnosć

Kulturne žěło, sportowe gibanje, wuměłstwo a wědomnosć su wažne słupy serbskego žywjjenja a žělabnosći kšywowego zwězka. Rownocasnje su aktery na toś tych pólach pósoły našogo luda we Łužycy a zwenka njeje. Pódpěrujomy wuměnu wósebnje ze słowjańskim wukrajom a drugim narodnymi mjeńšinami. Spěchujomy zgromadne žěło serbskich institucijow z cesnoamtskimi akterami. Zgromadne projekty institucijow wobogašuju kulturne žywjenje w Serbach.



V. Nabóžno-narodne žywjenje

Bogate derbstwo nabóžno-narodnych tradicijow a nałogow jo wobstatk žywjenja Serbow, tek za pšichodne generacije. Jich aktiwne woplěwanje jo wažny zakład za wutwórjenje a skšusenje tek narodnego wědobnja. Wósady su njewuzbytne serbske rěcne rummy a socialneje seši.

VI. Łužyca ako gósparański rum

Gósparaństwo jo rěp Łužyce a wobliwujow njepósrědnje socialne položenje našeje domownje a serbskego luda. Ze spěchowanim serbskeje rěcy a kultury pówušujomy atraktiwitu regiona. Wósebnje dwójo- a wěcejrěcnosć jo za łužyske pśedewzeša wudobytk. Pódpěrujomy wšykne napšawy, kenž pógnuwaju regionalne gósparaństwo k wužywanju serbskeje rěcy. Zasajžujomy se za kooperaciju Łužyce z pśigranicnymi stronami Pólskeje a Čěskeje. Pódpěrujomy łagodny turizm, kótaryž zmóžniwo góscam serbsku kulturu we Łužycy zeznawaš.

VII. Łužyca – naša domownja

Łužyca jo srježišćo a domownja Serbow. Zasajžamy se za to, aby se serbskosć w sedleńskem rumje dalej zmóćniła a wuwijała. Žiwamy na zaměrne zapśimowanje serbskeje rěcy a kultury do regionalnego, komunalnego a krajnego planowanja. Stolěše trajuce wudobywanje brunice jo zawostajiło serbskemu ludoju teke wjelike škódy. Proces strukturneje změny póbitujo nam nowe perspektiwy za wóžroženje a spěchowanje serbskeje rěcy.

“Trać dyrbi Serbstwo, zawostać!”

Handrij Zejler, 1842